

S. VIII. 33.

CARMINA GRATULATORIA

In honorem nuptiarum.

*Reverendi, Doctissimi ac humanissimi VIRI,*

DN. M. IOHANNIS

NICOLAI FERBERI,

Ecclesiae Wangerinensis pastoris dignissimi,

SPONSI

ET

*Pudicissimae Virginis*

ELISABETHÆ,

*VIRI Clarissimi, Prudentissimi & Consultissimi*

DN. MICHAELIS FRANKENI

quondam Illustrium Archidicasteriorum

Pomeraniæ Advocati & Reipub. Sedinensium

Senatoris, relictæ filiæ,

SPONSÆ,

*Scripta*

ab

AMICIS.



STETINI, EXCUDEBANTUR LITERIS GEORGII  
GOETSCHII, Anno 1629.

Extremely faint, illegible text, likely bleed-through from the reverse side of the page. The text is mirrored and difficult to decipher due to fading and the texture of the aged paper.





**V**nius uxoris *Mystam* jubet esse *Maritum*,  
*Paulus*, at hunc illam tangere *Papa* vetat.  
Utri assentiris? tibi certè *Oracula Pauli*,  
*Sponsè*, placere magis, reque fideque probas.  
Et rectè: *Quis enim dubitet postponere nugas*  
*Vani Hominis, Sacri Flamini eloquio?*  
*Crede perge DEO, sis castus, Mysta, maritus,*  
*Pasce gregem, fugito scandala, salvus eris.*

M. JOACHIMUS PRÆTORIUS  
Ecclesiastes & Professor illustris  
Padagogij.

---

**S**ponsi candidulis genis venusti,  
Sponsi molliculis genis tenelli  
Ulc ludunt! tacitis calèntne flammis?  
Quidni! quis tener ignis usq; & usq;  
Usq; & mollibus ardet in medullis,  
Usq; & fulgidulis micat favillis,  
Nos læti Cyprios dolos jocosq;  
Quos lingvis jaciunt vagisq; ocellis  
Quos miscent, lepido seruntq; gestu  
Spectamus, simul & monemus: ite,  
Sponsi in gaudia, mutuos fovete,

Risus, blandidulum movete murmur,  
Cunctis læticiam probate vestram.  
Nil non eximios ferat lepores,  
Nos Jovam interea precamur omnes,  
Fata ut Conjugium vehant secunda;  
Ut proles numerosa, vita longa,  
Et pax perpetuos colens amores  
Sponsos exhilaret, beet, juvetq;

*Testanda vera amicitia  
causâ fecit.*

M. MARTINUS LEUSCHNERUS,  
Ducal. Gym. Rector & Philosoph.  
Professor.

---

**V**elle maritali vinciri aut nolle capistro,  
Humano nunquam pendet ab arbitrio.  
Fata regūt homines, fato junguntur amātes;  
Omnia sunt fati subdita; fata regunt.  
Fata reluctantes vincunt, & pectora flectunt:  
Quæ faciēda, docent; quæ fugienda, monent.  
Sæpius incautum peregrinas ducere ad oras  
Fata solent, magnum per mare fata trahunt.  
*Nonnè peregrinâ Sacram regione Tobias  
Cælesti Genio concomitate capit?*

*Excm.*

*Exemplar vivum nobis es, docte Magister,  
Quem fata buc patrijs usq; tulere focis.  
Patria te primum teneris eduxit ab annis,  
Primaq; virtutum semina larga dedit,  
Leucoris alma tuum studium promovit & auxit,  
Thèiologum regio te Pomerana facit.  
Sic te fata trabunt; ferit hic tibi pectus ab alto  
Cypridos ille puer, complet & igne novo:  
Franci genæ ut magno flagres in amore puella,  
Quam sociam lecti possis habere tui.  
Non fuit illa prius tibi cognita dulcis Amice,  
Nec tamen ulla mora est jungitur illa tibi.  
Tanta est vis fati; tanta est moderatio fati,  
Nil fato totus certius orbis habet.  
Ergo piam, Ferbere, tuam nunc accipe Sponsam  
Quam pia præ reliquis fata dedere tibi.  
Moribus est placidis, virtutibus aucta, modesta:  
In facie casti signa pudoris habet.  
Virgo viro tali, tali vir virgine dignus:  
Connubio stabili vos pia fata ligent.*

*Amoris & honoris ergo  
scribebat*

*PETRUS NEOMARCUS, P. L.  
Illustrium Archidicasteriorum Pome-  
rania Advocatus & Reipub, Sedinen-  
sium Scabinus.*

*A 3*

*Ad*

**A**D veteres misit tua te, FERBERE, Sedinos  
Argyropo, clarus te dans genitoribus ortum;  
Misit, at infausto nequaquam fidere misit.  
Spe citius gemini tibi namq; parantur honores:  
Pastor sistéris templo, domuiq; maritus.  
Num natale solum (dic) num Pomeranidos oræ  
Munera contribuisse tibi majora videntur?  
Pluribus hæc agerem tecum, nisi rumpere cœptam  
Me telam facerent operarum munia nota,  
Oblatæq; frequens interpellatio chartæ,  
Quâ pubes mentem mihi, sensaq; turbat in horas.  
Votô claudo brevi, sortem gratatus utramq;  
Te Pastore, precor, grex cœlica pabula carpat;  
Teq; Parente torus felicia pignora promat,

*\* Ευολας έβραη έγγε.*

**M. HEINRICUS KIELMANNUS,**  
*Gr. L. & Poës. Prof. & ConR. in  
Duc. Pedag. Stet.*

---

**C**onjugium est Schola sacra crucis Rectore Jehovâ.  
Discipuli hîc duo sunt, fœmina juncta mari.  
Præceptor Deus est, qui cuilibet imperat, idemq;  
Exigit à quovis pensa statuta Crucis.

*Hanc*




Quæis præmit Elisabetha Tuas, cape basia, malas,  
SPONSE, ita non raris stabit FERBERICA ramis  
ARBOR, sed crescent Tibi GERMINA grata  
quotannis,  
GERMINA, quæis cordis poteris lenire dolorem.  
Hæc præcor: At Deus alme meis benedicito  
Votis.

*Sic bonæ Scævæ ergo cum novis  
nuptis iudebat*

JONATHAS HARTWIGIUS  
Stolpa-Pomer.

FINIS.





92116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VII.33

